

諸方直歲度火把與住持今日住持度火把
 與直歲且道是明甚麼邊事明日優曇華茂
 發淨飯王官生悉達只從這裏便承當千古
 萬古阿刺刺茂直歲
 宗監院歸宗一味禪楊岐三脚驢兩重公案
 一句破除且道是那一句擲火把云臘雪堆

中火一爐

梵菴主象骨低頭歸去文殊是藥採來拈得
 梵王鼻孔觸著帝釋眼睛雖然如是未出常
 情且道因甚麼菴內人不知菴外事以火把
 打圓相云沉寒痼冷莫能治伏火靈砂下一
 九能醫藥

以火把打圓相云圓浴主見麼喚作圓相則
 背不喚作圓相則觸透過兩重關還他親眷
 屬蓮峯突出碓紫花杓柄兜翻師子足香水
 沉沉徹底乾普請大家齊刮目且道看甚麼
 擲火把云脫殼神龜飛上天無位真人火中
 浴

舉起火把云祥柴頭見麼萬朵祥雲匝地飄
 藜樹枝葉半肩挑今朝匾檐兩頭折千日斫
 柴一日燒
 鑑首座末後一句子備未跨闊一萬八千里
 路時已嘗說了也今日古鑑發光露出晴空
 閃電團團無縫塔門開收取眉間三尺劍雲

南人

弘知客維那不在當汝打鎚劈頭一下振起
 宏規掣開無縫塔擊破玉玻璃正是全身放
 下時

天目中峰和尚廣錄卷第七

十一末

韓八

雲居禪師比丘德才
 已上一卷 施財重刊

天目中峰和尚廣錄卷第八

韓九

參學門人北庭臣僧慈寂

上進

佛祖讚

盧舍那佛讚

并序

佛身無相隨念現形佛身無為依作而住當
 其念之未起作之未興所謂佛身與虛空合

韓九

一

有劔門上人智慧者嘗發大心刺十指血染
雜華藏海之文八十一軸以其筋膜日積月
累聚為舍那佛像經書既畢佛身亦圓高二
寸許眉目可觀毛髮微露冠纓衣褶靡不分
明飾以黃金奉以朱塔隨處供養惟見若聞
莫不稱異彼上人者返觀十指了無痕跡經

自何來佛從何見初心既滅所作亦忘惟佛
與經昭然不隱如是了知盡法界性及微塵
刹起滅不停動靜無間如我佛身等無有異
以此一盧舍那依幻而見如是了知百億盧
舍那大而虛空身小而微塵身未有一佛不
依幻而見者以其所見白於幻住比丘明本

於是歡喜合掌而說伽陀以讚之
稽首盧舍那 安住雜華藏 金色妙相好
燦如日月輪 縮作二寸身 從十指中現
指相寂不動 現理無所為 悟此舍那身
虛空微塵等 靡不依幻住 法界本空寂
上人悟佛身 而獲性常住 如是功德聚

微妙難可測 我作如是觀 說此妙伽陀
與法界衆生 同入智慧海

釋迦如來十大弟子圖像讚 并序

釋迦如來展化權於五天之中有聲聞弟子
上首者十人各擅一能而如來併其十者之
能曾不滿一毛孔之法量何況一一毛孔所

容受者豈心思意解而可了知耶故佛法如
大海香象一飲十斛而蚊虻不過涓滴各盡
其量而後已然十斛與一滴之飽無異特量
之大小而所受之多寡不同耳詎謂二千年
後能專其一亦未之見烏有所謂兼善其十
者乎雖然須知一即十十即一互融互攝全

主全賓審如是則上無師尊下無弟子展開
圖畫坐立儼然傀儡一棚不加線索眼目定
動肯遭熱瞞三搭不回更聽說偈

稽首迦葉解禪定 鉢盂不用重安柄
多聞為最阿難陀 那事還容記得麼
神變目連稱上首 忘却家鄉沿路走

韓九

二

保綏清禁優波離

至體誰言有犯持

說法富樓那第一

水中捉月爭拈得

阿那律多天眼通

銀山鐵壁障雙瞳

羅睺密行稱無比

脚底白雲千萬里

論義莫敵迦旃延

佛法驢年也現前

長老解空為領袖

究竟何曾離窠臼

身子專開智慧門

遇無義語渾命吞

惟有迦文都不會

任有弘為俱請退

四枯榮樹非斷常

竹林冉冉沉蒼翠

面面相看何所為

行人猶在青山外

歷代祖師畫像讚

并序

世尊教外別傳脫略義解之大旨二十八傳

而至菩提達磨大師是為東土第一代禪祖

初師觀東震旦人有大乘根器乃越重溟三

周寒暑以梁普通七年抵金陵尋往少林居

九載得可祖領荷心法已而翩翩隻履復返

流沙五傳至黃梅而橫出牛頭一枝六傳至

曹溪則有南嶽青原派而為二自南嶽青原

而下宗而為五南嶽出馬祖祖出百丈丈出

黃檗檗出臨濟濟以金剛王寶劍之喝雷轟

霆震不容掩耳別傳之道由斯而盛濟十七

傳而至仰山雪巖和尚先師入巖翁之室於

羣弟子未造之先誤中其毒口耳俱喪既而

深棲天日影不出山三十年無一法與人領

諱九

三

荷抗之妙行寺嘗集五宗傳道之師遺像數

千軸每遇歲旦展挂緇白瞻禮日之曰祖師

會有好事者圖少林至天目直下相承二十

八代祖師遺像歲遇少林諱日薦羞染盛以

酬遞代傳持之德明本為述小傳并偈以贊

之小傳不錄

少林初祖圓覺大師

菩提達磨

大法資始妙存直指唯不可藏汝得吾髓

二祖大祖禪師

慧可

雪腰刃臂忘己安心十萬里師芥投以鍼

三祖鑑智禪師

僧璨

達罪性空為法作則信此心兮唯嫌揀擇

四祖大醫禪師 道信

縛脫兩忘威武莫屈破頭山高一枝橫出

五祖大滿禪師 弘忍

青松未老室女懷胎黃梅東阜五葉花開

六祖大鑑禪師 慧能

緹腰石存風幡話在一滴曹溪雄吞四海

南嶽大慧禪師 懷讓

金雞有識玉鏡非磚躍天馬駒實資其鞭

馬祖大寂禪師 道一

眈眈虎視足印兩輪其遭踏者八十四人

百丈大智禪師 懷海

不作不食大智惟昌痛難忍處扭折鼻梁

黃檗斷際禪師 希運

神珠在額智鏡潛心棒頭眼活大樹垂陰

臨濟慧照禪師 義玄

用金剛王作師子吼真照無私雷奔電走

興化廣濟禪師 存獎

罰克賓飯削臨濟跡還識老僧投拐而寂

汝州南院禪師 慧顯

同時啐啄電捲星馳未詳終始鐵裹摩尼

汝州風穴禪師 延沼

濟北之道遇風欲絕荷負之誠益增餘烈

汝州首山禪師 省念

法華放下拂袖便行動揚古路落漸墮坑

汾陽禪師 善昭

龍袖拂開西河師子停筋便行孰云其死

石霜慈明禪師 楚圓

惑亂神鼎彌縫李揚生機活眼不離平常

袁州楊岐禪師 方會

惣院十年親遭教壞突出金圈兒孫遍界

舒州白雲禪師 守端

相逢一笑觸著父諱猛省得來聲光振地

東山五祖禪師 法演

拽海會磨轉東山輪沸騰佛海一遠二勤

佛果圓悟真覺禪師 克勤

錦帳夢回金鷄報午陵跨古今蕩除佛祖

平江虎丘禪師紹隆

拳邊獲見已露一斑最親切處坐視耽耽

天童應菴禪師曇華

播屋頭春料老虎尾太白峯高甘露門啓

天童密菴禪師咸傑

投機以句頂門廓徹唯破沙盆萬古一傑

破菴密印禪師祖先

一菴破壞嘉苴無餘瞎金剛眼走玉盤珠

徑山無準佛鑑禪師師範

用文武火行密化周鳳毛麟角一網齊收

仰山雪巖慧朗禪師祖欽

機前語活棒頭眼開山河倒走仰嶠再來

韓九

五

天目高峯佛日普明廣濟禪師原妙

揭開天目坐斷死關峯高萬仞險絕難攀

觀音

上同諸佛慈心兮天下歸仁焉下合衆生悲
仰兮萬物備於我矣若夫覆其頂跣其足周
游於娑婆界中以圓通三昧而爲佛事者吁

吾無隱乎爾趙教授請

少林初祖

揚子江心波少林峯頂月寥寥一片心直指
成曲折謂其有傳兮胡爲乎壁觀九年謂其
無傳兮因甚麼花開五葉秋山落木猿晝啼
行人眼底流鮮血傳上人請

大鵬展翅取龍吞一攬滄溟徹底渾觸碎珊
瑚枝上月至今千古暗昏昏

遮漢捏怪爲欠禪債此土西天重重納敗最
初見梁王言不識末後受神光禮三拜淒淒
隻履西歸漆桶依前不仗似遮般阿師貶向
師子巖頭雲蒸霧鎖千百年且看眉毛壞不
壞

栽松道者

種得千山無空地一枝猶挂鑿頭邊不因脫
賺周家女衣法何緣到你傳

粥薪漢子

荷條柴檐眼頭空路入黃梅伎已窮賣得叢

林枝葉盡嶺南無地種春風

馬郎婦

深願弘慈無縫罅乘時走入衆生界窈窕手
姿都沒賽提魚賣堪笑馬郎來納敗金沙露
濕衣裾壞茜裙不把珠纓蓋特地掀開呈捏
怪牽人愛曲盡許多菩薩債

布袋

兜率天宮降人世忘却當來下生記開家潑
具有許多勾引兒童恣遊戲袒肩赤膊當神
通揚眉瞬目稱三昧奪將拄杖劈頭揮一齊
趨入龍華會

韓九

黑拄杖橫挑布袋轉頭忘了率陀天茫茫不
顧肩頭重猶要逢人乞一錢

臨濟

裡三拳於大愚肋下捋虎須於黃檗面門肆
一喝如雷砰霆震搖寸舌似電激雲奔掣風
顛漢世希有普天匝地皆兒孫

趙州

腦後萬莖雪面前三尺霜肚裏直儻侗語下
絕囊藏勘破臺山婆子大坐平欺趙王萬里
海門攔不住遠遺清影過遼陽我只喚作三
百年浸漬不朽底陳爛葛藤椿試將此話傳
諸方

高麗僧請贊

丹霞靈照

放籃斂手提籃便走弄鬼眼睛自呈拙醜及
至歸家舉似爺毒蛇不肯輕開口牛姪無端
赤土塗是非從此難分割

郁山王

朶朶山河眼裏塵明珠一顆匪家珍至今千
古溪橋月看盡驢前馬後人

政黃牛

跨牛背兮執牛尾一片吟懷淨如洗鷺鷥終
日自忘機何曾見儂常來此

天童東巖日禪師

匡廬山高太白山高較吾圓應老人面門鼻
孔猶太虛之一毫腥膻露兮螻旋蟻聚槌拂

韓九

七

動兮鬼哭神號雙眸四海空
牢牢下視佛祖為兒曹

道場及菴信禪師

盡十方世界是古佛道場
盡十方世界是雙溪橋梁
不住而住兮風飛雷厲
非成而成兮虎踞龍驤
面目現在如何讚揚
領下眉毛十丈長

南嶽鐵山瓊禪師

向上機若鐵末後句如山
既不得而擬議又豈容其躋攀
堅密不動湛寂自閑無端將戒
定慧三學編作漫天網子
向萬里鯨濤之東攔空一撒
直得高麗國僧俗二衆沸騰
上下奔趨往還腥風
遍界絕遮攔逐隊隨羣
入北閩錢塘妙行院祖師會請讚

徑山晦機熙禪師

面如臨濟三角心似妙喜
空廓坐斷大雄峯高路慧日
閣自徑山而至仰山肯受尊
卑之束縛是風動幡動心動
黑漆竹篋難湊泊風

潘寺長老請讚

徑山虛谷陵禪師

面冷如鐵髮白如雪起集雲
萬古法幢追凌霄三世遺業
奔走象龍掃空魔孽佛祖不
敢正視天人咸被慈攝我嘗
隔嶺望餘光惟見曇花開五
葉

天童雲外岫禪師

太白峯為屏廿里松為座雲
影外藏身幾多人蹉過不蹉
過元是隰州古佛再來切忌
機前說破且道說破後如何
夜明簾挂須彌顛走盤珠向
空中墮

靈雲鐵牛定禪師

那伽定裏鑄鐵為牛白雪巖
下一握齊收掀翻聖凡窠曰
結盡佛祖冤讎茶陵千仞靈
雲寺聲播元朝數百州

高峯和尚

雙髻六龍須九一十八年師
子吼死關已掩三十秋惡聲
萬里猶奔走既陷險機親遭
毒

韓九

八

手一回見面驀上心思怨難教自分剖義首

坐請天目三千丈難方高峯之高地獄十八重莫比死關之險我曾親近十餘年不願頻將畫圖展

三十年影不出山二六時情不附物逼釋迦

達磨生陷鐵圍鞭白牯狸奴立地成佛便是這箇不覩是底阿師坐斷天目山深踞師子窟爾若不是我本師更要罵教爾見骨

掃帚兩眉橫塵埃堆面上依稀徐十三郎彷彿高峯和尚松江江上姚道人好把香華勤供養

斷崖義禪師

撞漫天網解師子鈴情忘義斷石裂崖崩奪龐老金珠高揮大抹將阿爺門戶豎拄橫撐這邊那邊了無羈絆問禪問道不近人情大地山河一片雪話頭流落至今行失脚踏斷懸崖逢人更不安排取性入真入

俗一任神猜鬼猜掉臂獨行時拖拽不住狹路相逢處推托不開虛空拔得無根樹要向

中竺布衲雍禪師

熒螟眼上栽
湘東山湘西水面目儼存真機不倚蓮華峯突兀半天桂子堂腥臊萬里玻璃誰道匪家

珍沉沉法海深無底

法海院珍知客請讚

九末

已上一卷奉佛信士潘善堅黃書正施財重刊報答四恩者

天目中峯和尚廣錄卷第八

韓九

天目中峯和尚廣錄卷第九

韓十

參學門人北庭臣僧慈寂

上進

自讚

繩床枯坐兀爾忘緣面皮厚三寸鼻孔沒半邊盡世藏形避影徒勞掘地覓天鬼神推不出佛祖謾加鞭幸爾師同天目山年同大海

韓十